

Sarajevo, 25-10-2018

Broj: 02-03-54729

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-53959 od 22.10.2018. godine, Generalna direktorica donosi:

ODLUKU

o poništenju postupka nabavke
za nabavku i isporuku računarske opreme za provođenje projekata
NIHR Global Health Group i IMPULSE za potrebe Klinike za psihijatriju

I

Prihvata se prijedlog Komisije za javnu nabavku, Izvještaj br. 03-06-53959 od 22.10.2018. godine za nabavku i isporuku računarske opreme za provođenje projekata NIHR Global Health Group i IMPULSE za potrebe Klinike za psihijatriju nakon provedenog konkurentskog zahtjeva objavljenom na Portalu agencije za JN pod brojem: 893-7-1-546-3-333/18 dana 03.10.2018 godine, da se postupak nabavke **poništi u skladu sa članom 69./2./d) ZJN (Sl.Glasnik BiH 39/14), jer nije dostavljena nijedna prihvatljiva ponuda.**

II

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

OBRAZLOŽENJE

Na osnovu Odluke o pokretanju postupka javne nabavke br. 02-03-49869 od 01.10.2018.godine godine sa procijenjenom vrijednosti nabavke u iznosu od 47.000,00 KM bez PDV-a, Klinički centar Univerziteta u Sarajevu je 03.10.2018. godine objavio Obavještenje o nabavci broj: 893-7-1-546-3-333/18 na portalu e-Nabavke zajedno sa tenderskom dokumentacijom za nabavku i isporuku računarske opreme za provođenje projekata NIHR Global Health Group i IMPULSE za potrebe Klinike za psihijatriju putem konkurentskog zahtjeva.

U skladu sa Čl.88 Zakona o javnim nabavkama Poziv za učešće u postupku javne nabavke putem e-maila upućen je slijedećim ponuđačima: REBUS d.o.o. Sarajevo, FIXIT d.o.o. Sarajevo i PRINTEX d.o.o. Sarajevo. Obzirom da je tenderska dokumentacija za postupak nabavke, objavljena na portalu e-Nabavke istu je preuzeo 21 (dvadeset i jedan) ponuđač, a do krajnjeg roka određenog za prijem ponuda, 12.10.2018 godine, dostavljene su 3 (tri) ponude ponuđača kako slijedi:

1. ELUR d.o.o. Kiseljak sa cijenom 35.300,00 KM bez PDV-a
2. EMADO d.o.o. Sarajevo sa cijenom 35.250,00 KM bez PDV-a
3. REBUS d.o.o. Sarajevo sa cijenom 35.250,00 KM bez PDV-a

Komisija imenovana Odlukom broj: 02-03-51528 od 09.10.2018.godine pristupila je provjeri dokumentacije dostavljene uz ponudu i konstatovala da **ponuda ponuđača Elur d.o.o. Kiseljak nije formalno pravno ispravna jer ponuđač** nije dostavio ispravne izjave koje su zahtjevane tenderskom dokumentacijom u tački br. 2.1. (Izjava o uslovima plaćanja, izjava o prihvatanju prijedloga ugovora, izjava o nepromjenjivosti cijena, izjava o periodu važenja ponude, izjava o garantnom roku i izjava o roku isporuke). Navedene izjave koje čine sastavni dio ponude napisane su za drugi postupak pod drugim brojem obavještenja i za drugi pravni subjekat, konkretno za Ministarstvo civilnih poslova BiH. Zbog svega navedenog ponuda ponuđača Elur d.o.o. Kiseljak je nezadovoljavajuća.

Nadalje, nakon provjere formalno pravne ispravnosti ponuda, Komisija je pristupila računskoj provjeri dostavljenih ponuda i provjeri tehničke ispravnosti te konstatovala kod ponuđača Rebus d.o.o računsku grešku i nedostatak zahtjevanih tehničkih karakteristika kod ponudene opreme iz stavke br.1 tehničke specifikacije

(digitalni diktafon), a kod ponuđača **Emado d.o.o** nedostatak zahtjevanih tehničkih karakteristika za ponuđenu opremu iz stavke br.2 tehničke specifikacije.

Komisija je u skladu sa Zakonom o javnim nabavkama od ponuđača Rebus d.o.o, dopisom br.03-06-52412 od 12.10.2018. godine tražila saglasnost za ispravljenu računsku grešku. Ponuđač je u datom vremenskom roku dostavio saglasnost za navedeno. Daljim uvidom u ponudu (ANEKS 3) ponuđača Rebusa d.o.o Komisija je ponovo u skladu sa Zakonom o javnim nabavkama od ponuđača Rebusa d.o.o dopisom br.03-06-52740 od 15.10.2018. godine tražila izjavu kojom se potvrđuje da ponuđeni uređaj – digitalni diktafon iz stavke.1 u tehničkoj specifikaciji tenderske dokumentacije zadovoljava zahtjevane tehničke karakteristike. Ponuđač je u datom vremenskom roku dostavio izjavu kojom konstatuje da je greškom ponuđen model digitalnog diktafona, SONY BX-140 umjesto modela SONY PX-370. Obzirom da ponuđeni model digitalnog diktafona SONY BX-140 **ne zadovoljava zahtjevane tehničke karakteristike** jer nema utor za microSD memorijsku karticu **ponuda ponuđača Rebus d.o.o je nezadovoljavajuća.**

Uvidom u ponudu (ANEKS 3) ponuđača Emado d.o.o, a u skladu sa Zakonom o javnim nabavkama, dopisom br.03-06-53418 od 18.10.2018. godine tražena je izjava kojom se potvrđuje da ponuđeni uređaj – MFP laserski kolor štampač iz stavke.2 u tehničkoj specifikaciji tenderske dokumentacije zadovoljava zahtjevane karakteristike u pogledu bežičnih mogućnosti uređaja. Ponuđač je u datom vremenskom roku dostavio objašnjenje sa nepotpunim odgovorom u pogledu bežičnih mogućnosti ponuđenog uređaja, kao što je i u dostavljenoj ponudi na str.40 u tehničkom opisu za navedeni uređaj u opisu za „Povezivanje“ naveo „Bežična sposobnost br“, što ne predstavlja potvrđen odgovor za zahtjevanu osobinu uređaja. Ponuđač u svom odgovoru tvrdi da uređaj podržava bežični standard 802.11b/g/n 2,4GHZ, a ne izjašnjava se za standard 802.11b/g/n 5GHZ, koji je zahtjevan u tenderskoj dokumentaciji. Obzirom da ponuđeni model MFP laserskog kolor štampača **ne zadovoljava zahtjevane tehničke karakteristike, ponuda ponuđača Emado d.o.o je nezadovoljavajuća.**

Iz gore navedenog Komisija je konstatovala da nijedna od dostavljenih ponuda nije formalno pravno i/ili tehnički zadovoljavajuća, te ne može učestvovati u dijelu u kom se ponude upoređuju po kriteriju najniža cijena.

Na osnovu gore navedenog Komisija je dala prijedlog, Izvještaj br. 03-06-53959 od 22.10.2018. godine, da se za nabavku i isporuku računarske opreme za provođenje projekata NIHR Global Health Group i IMPULSE za potrebe Klinike za psihijatriju, donese odluka o poništenju postupka nabavke u skladu sa članom 69 stav 2 tačka d) ZJN (Sl.Glasnik BiH 39/14), **jer nije dostavljena nijedna prihvatljiva ponuda.**

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr. Sebiha Izetbegović

POUKA O PRAVNOM LJJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS